

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
KANTON SREDIŠNJA BOSNA
OPĆINA JAJCE
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
CENTRAL BOSNIA CANTON
JAJCE MUNICIPALITY
MAYOR OF JAJCE MUNICIPALITY

Broj: 02-19-3791/25
Datum: 08.05.2025. godine

Na osnovu člana 6. i 7. Odluke o uslovima i načinu korištenja vezova na rijekama i jezerima na području Općine Jajce („Službene novine Općine Jajce" broj: 4/22), Pravilnika o utvrđivanju rejona i obuhvata rejona u kojima će biti postavljeni vezovi za plovila, kao i visina zakupa podrejona za korištenje vezova (zakup veza) i površina predviđenih za smještaj plovila (zimovnik), općinski načelnik raspisuje:

JAVNI POZIV -za dodjelu podrejona, vezova i zimovnika za plovila u zakup-

I Raspisuje se javni poziv za zakup rejona „B“ za korištenje vezova i zimovnika koji se prostire od kraja Rejona „A“ (početak pristaništa ispred Motela „Plaža“) pa do Plavog mosta prema vodenicama na Malom Plivskom jezeru. Rejon „B“ se sastoji od 6 podrejona označenih brojevima od 1-6, a svaki podrejon se sastoji od 10 vezova za plovila za koja je potrebna registracija i 10 vezova za plovila za koja nije potrebna registracija (pedaline, bicikli i sl).

II Korištenje vezova u podrejonima može biti stalno i sezonsko. Sezonski vez podrazumijeva korištenje veza u periodu sezone (od 01.05. - 01.11.), a dok stalni vez podrazumijeva korištenje veza i kao zimovnika tokom cijele godine.

III Predviđeni rok za zakup podrejona je godinu dana (do 30.04.2025. g) ako se radi o stalnom vezu, odnosno do 31.10.2024. g. ako se radi o sezonskom vezu.

IV Pravo sudjelovanja na javnom pozivu imaju pravne i fizičke osobe koje su registrovane za obavljanje djelatnosti.

V Početna cijena za ponuđače na javnom pozivu za zakup svakog podrejona iznosi 800,00 KM mjesečno. Oni ponuđači koji dostave ponudu za stalni vez, plaćaju godišnje 50,00 KM za zimovnik za svako plovilo.

VI Ponuđač može dostaviti pisanu ponudu za samo jedan podrejon, s najmanjom početnom cijenom utvrđenoj u članu V.

VII Pored pisane ponude (sadrži: generalne podatke o ponuđaču (naziv, sjedište, adresu, kontakt) i visinu ponuđene cijene sa naznakom za koji podrejon se ponuđač prijavljuje) ponuđač mora dostaviti sljedeću dokumentaciju:

- Ovjerenu kopiju Rješenja o registraciji iz sudskog registra ne stariju od 6 mjeseci (ako se radi o pravnom licu), odnosno ovjerenu kopiju rješenja izdatog od nadležnog organa kao dokaz da fizičko lice ima registrovanu djelatnost

- Potvrdu Službe finansija Općine Jajce o izmirenim obavezama prema Općini Jajce ne stariju od 30 dana
- Potvrdu Upravitelja da su izmirene obaveze prema Upravitelju na dan podnošenja prijave, a koje se odnose na vezove i zimovnike
- Dokaz o registraciji svih plovila kojima će obavljati djelatnost (ako se radi o plovilima za koje je potrebna registracija)
- Navesti podatke s koliko plovila će obavljati djelatnot (uključujući plovila za koja je potrebna registracija, kao i ona za koja registracija nije potrebna)
- Navesti vremenski period korištenja (odsnono da li se radi o sezonskom ili stalnom vezu)
- Navesti za koji podrejon je upućena ponuda

VIII Postupak javnog poziva provodi Komisija koju imenuje Općinski načelnik. Ponude se otvaraju javno, a podaci se unose u Zapisnik. Jedan član Komisije bit će imenovan od strane Upravitelja vezovima JKP „Čistoća i zelenilo“ d.o.o. Jajce.

IX Osnovni kriterij za izbor najpovoljnijeg ponuđača je najviša ponuđena cijena tehnički ispravne ponude. U slučaju iste ponuđene cijene za zakup istog podrejona, prednost ima ono pravno ili fizičko lice čija poslovna djelatnost je smještena bliže traženom podrejonu (ako se djelatnost obavlja uz obalu Plivskog jezera gdje su smješteni podrejoni), odnosno ponuđač koji ima duže registrovanu djelatnost. Jedan ponuđač može uzeti u zakup samo jedan podrejon za korištenje vezova, osim u slučaju da nema drugih ponuđača.

X Općinski načelnik na prijedlog Komisije donosi Odluku o izboru najpovoljnijeg ponuđača.

XI Izabrani ponuđači dužni su u roku od 7 dana od dana prijema obavještenja uplatiti cjelokupni iznos naknade za odobreni period korištenja veza po osnovu Odluke o izboru najpovoljnijeg ponuđača, te sa Općinskim načelnikom zaključiti Ugovor o zakupu.


XII Javni poziv ostaje otvoren 15 dana od dana objavljivanja na oglasnoj tabli Općine Jajce i službenoj web stranici Općine Jajce.

XIII Prijave na Javni poziv dostaviti u zatvorenoj koverti na adresu: Općina Jajce- Komisija za provođenje Javnog poziva, ulica Nikole Šopa bb, sa naznakom

**„Prijava na javni poziv za dodjelu podrejona, vezova i zimovnika za plovila u zakup“
putem pošte ili na protokol Općine Jajce.**

XIV Otvaranje ponuda će se održati u Maloj sali u zgradi Općine Jajce, a o terminu održavanja ponuđači će biti obaviješteni putem web stranice općine Jajce. Postupk otvaranja ponuda je javan, a pravo aktivnog učešća u postupku otvaranja imaju ponuđači, ili njihovi predstavnici uz ovjerenu punomoć.

XV Načelnik Općine zadržava pravo poništenja konkursa ili dijela konkursa, ako je to u interesu Općine, ukoliko su se okolnosti bitno promijenile, i to najkasnije do isteka roka za dostavu dokumentacije.



Općinski načelnik

Edin Hozan
Edin Hozan